

Տեսլեամբ անեղ եւ զաւրական,  
Որ երկնային զաւրք ամ  
Ահէ սորայ սարսեալ գողան<sup>(1)</sup>:

Վերջին տողերն, ինչպէս ընթերցողը տեսնում է, նուիրուած է Ամենափրկիչ սրբութեան:

Շահյաթունեան սորա յաջորդն է հաւմարում Յովհաննէս եպիսկոպոսին 1658 թուին. «յիշատակեալ ի յիշատակարանի աւետարանի միոյ»<sup>(2)</sup>: Յիրաւի, մի քայքայուած Յայսմաուուրքի մասամբ անընթեռնելի դարձած յիշատակարանի մէջ տեղեկութիւն կայ և սորա մասին. ձեռագիրը գրուած է «ի թուականութեմ հայոց . ո . հարիւր եւ ժք թուին (= 1664), ի վաւառս Արարազեան, ի մայրաքաղաքս, որ կոչի Երեւան, ընդ հովանեաւ սք անձանիս եւ սք Երկուերեսիս եւ սք Յակոբիս եւ սք Կաթուղիկէիս եւ այլ բոլոր սրբոցն, որ պահան են քաղաքիս, ի հրպութի սք էջմիածնայ սրբազան կթղիսի տն Յակոբայ Զուգայեցոյ, եւ ետրութե սք Ամենափրկչին նոր Յովանէս սրբազան վարդապետի եւ աթոռակալութե սք Գեղարդեանն Դաւիթ սրբազան ետրի, որդի ազատաց եւ մեծ ազգէ. ի յաշխարհակալութե տաճկաց եւ դանութե փոքր Շահապաղի եւ խանութե Երեւանայ Ապագղուլի խանին, որ է որդի Ամիրզոռնոյ խանին»<sup>(3)</sup>: Սոյն Յովհաննէսի ձեռքով Պօղոս երէց, որ վերոյիշեալ Սիմէոն Զուգայեցու հօրեղբորորդին էր, մի նկարագրու, փոքրագիր աւետարան է տալիս 1666 թուին յիշատակ «ի վանս Ամենափրկչին, որ ի Հայոց թառ»: Աւետարանը գրուած է և նկարագրագրուած նոր Զուգայուց<sup>(4)</sup>:

Սիմէոն կաթուղիկոսը յիշում է ապա Մատթէոս վարդապետ Զուգայեցուն 1662 և 1673 թ. թ.: Նա նորոգել է 1671 թուին Թագէոս առաքեալի աջը, ըստ արձանագրութեան<sup>(1)</sup>:

Զաքարիա Սարկաւազը յիշում է Մարկոս վարդապետ Զուգայեցուն Յակոբ կաթուղիկոսի ժամանակ, ուրեմն 1673-1680 թուականների մէջ<sup>(2)</sup>: Սորա ժամանակն էր, երևի, երբ կատարուեցաւ Արարատեան երկրի մեծ շարժը 1679 թուի Յունիսի 4ին և վնասուեցան Գեղարդի ձորի վանքերը, որոնց թուում և Հաւուց թառը, որ յականէ յանուանէ յիշում են Զաքարիա Սարկաւազ և ժամանակակից յիշատակարաններ<sup>(3)</sup>:

Ժէ. գարի վերջերին յիշում է Ստեփանոս, «ի յիշատակարանի տօնացոյց գրոց, գրեմ ի սոյն մենաստանի»<sup>(4)</sup>. Իսկ ԺԸ. գարի առաջին քառորդին Մաղաքիա վարդապետ էջմ. N 1752 նժ. Յայսմաուուրքը նորոգուած է «Ղգրաշվի (?) Աթանասի որդի» կարբեցու ձեռքով, «թվականիս ՌճԿԻ (= 1713), հայրապետութի տն Աղէքսանդր կթղկան յամ (s!) Հայոց. մեր հոգեւոր հայրն Մաղաքիայ անձաբան վրդապետն յառաջնորդ սք Ամենափրկչի»: Միաբաններն են տէր Սահակ, տէր Ղազար, տէր Առաքել. ունի «բազում աշխատանք ի վերջ տանս»: «Յարպատեցի (էջմիածնից ոչ հեռու մի գիւղ) մահտեսի Գալուստն» նորոգողի սպասաւորն է: Այս Մաղաքիայի ժամանակն էր, որ Աստուածատուր կաթուղիկոսը (1721 թ.) երկրաշարժից քանդուածների տեղ մի նոր եկեղեցի սկսեց շինել, գործադրելով և հնից մնացած շատ քանդակուած և այլ քարեր (դարձ. 2), բայց Լէզգիները (Կովկասեան լեռնականներ, Լեկք) արշաւանքով կիսատ մնաց. Աստուածատուր կաթուղիկոսը ստիպուած էր փախչել, տեղակալ թողնելով Մաղմոսաւանքի առաջնորդ Յովասափ վարդապետին: Այս ժամանակն էր, որ քուրդ

(1) Ձեռ. էջմ. N 1228|1204 (տե՛ս Բաւել, 11): Այս Սիմէոն Զուգայեցուն չաւար է շփոթել նոյնանուն դարձեալ Զուգայեցի իրեն «փոքր» անուանող վարդապետի հետ, որ եպիսկոպոս էր ձեռնադրուած Յակոբ կաթուղիկոսից 1677-78 թ. թ. եւ սորա մահուան տարին. այսինքն 1(80 թուին. ստանում է, երևի. Տաթևացու ձեռնան եւ ամառան ժողովածու բարոգիրք»ը, Ձեռ. էջմ. N 2150|2138. Նոր Զուգայուց:

(2) Շահյ. Բ. 296: Տե՛ս եւ Ձեռ. N 371|338:

(3) Ձեռագիրը նորերս է (1931, Ապրիլ) ստացուած Աշտարակից. մատենադարանի վարիչ Սենեքերիմ Տէր Յակոբեանի սիրալիր ցուցմունքով օգտուեցայ այս յիշատակարանից:

(4) Ձեռ. էջմ. N 953 նց:

(1) «Յշտին այսպէս է գրեալ. թէ կազմեցի էր սա ի 217 թուին. իսկ ի 187 թուին, եւ Զուգայեցի Մատթէոս վրդապետ նորոգեցի, եւ ետու յշտի ի գունս սք Ամենափրկչին»: «Դաւթար եւ հաշուագիր անօթից եւ սպասուց» Սիմէոն կաթուղիկոսի ժամանակ կազմուած:

(2) Զաքարիա Սարկ. Վաղարշ. 1870. Ա. 56:

(3) » » » » Բ. 104:

Ջալալեան. Բ. 127: Ձեռ. էջմ. N 548:

(4) Շահյ. Բ. 296: